

SOS**অতি সংক্ষিপ্ত প্রশ্নোত্তর :**

*** ১। বাজারজাতকরণ পরিবেশ কাকে বলে?

উত্তর : বাজারজাতকরণ পরিবেশ : কোনো একটি পণ্য বা সেবা বিপণন করতে গেলে যে সমস্ত নিয়ন্ত্রিত ও অনিয়ন্ত্রিত উপাদান বা শক্তি প্রভাব বিস্তার করতে পারে, তাদের সমষ্টিকে বাজারজাতকরণ পরিবেশ বলে।

** ২। ব্যষ্টিক পরিবেশ কাকে বলে?

উত্তর : ব্যষ্টিক পরিবেশ : কোনো কোম্পানির বিপণন কার্যক্রমের উপর নিয়ন্ত্রণযোগ্য যেসব শক্তি, উপাদান বা পক্ষসমূহ প্রত্যক্ষভাবে প্রভাব বিস্তার করে তাদেরকে ব্যষ্টিক পরিবেশ বলে।

* ৩। সামষ্টিক পরিবেশ কাকে বলে?

উত্তর : কোনো কোম্পানির বিপণন কার্যক্রমের উপর অনিয়ন্ত্রণযোগ্য যেসব শক্তি, উপাদান বা পক্ষসমূহ পরোক্ষভাবে প্রভাব বিস্তার করে তাদেরকে সামষ্টিক পরিবেশ বলে।

** ৪। মধ্যস্থ ব্যবসায়ী কাকে বলে?

বাকাশিবো- ২০২৩

উত্তর : মধ্যস্থ ব্যবসায়ী : যে সকল ব্যক্তি বা প্রতিষ্ঠানের সাহায্যে বিপণনকারী তার উৎপাদিত পণ্য চূড়ান্তভাবে ক্রেতা বা ব্যবহারকারীর নিকট পৌঁছায় তাকে মধ্যস্থ ব্যবসায়ী বলে।

**** ৫। প্রযুক্তিগত পরিবেশ কাকে বলে? অথবা, কারিগরি পরিবেশ কাকে বলে?**

উত্তর : প্রযুক্তিগত পরিবেশ : প্রযুক্তিগত পরিবেশ বলতে সেই সকল উপাদান বুঝায়, যার দ্বারা নতুন নতুন পণ্য উদ্ভাবন এবং বাজারজাতকরণের নতুন যুগ সৃষ্টি করে। এটি মূলত ডিজিটাল মার্কেটিং, ই-কমার্স এবং অন্যান্য প্রযুক্তি নির্ভর পদ্ধতির সমন্বয়ে গঠিত।

*** ৬। সাংস্কৃতিক পরিবেশ কাকে বলে?**

উত্তর : সাংস্কৃতিক পরিবেশ : যে সকল উপাদান দ্বারা সমাজের মৌলিক মূল্যবোধ অগ্রাধিকার এবং আচার-আচরণকে প্রভাবিত করে তাকে সাংস্কৃতিক পরিবেশ বলে।

*** ৭। রাজনৈতিক পরিবেশ কাকে বলে?**

উত্তর : রাজনৈতিক পরিবেশ : রাজনৈতিক পরিবেশ বলতে সরকারের নিয়মনীতি, আইনকানুন, জবাবদিহিতা, সরকারি সংস্থা ও বিভিন্ন প্রভাব বিস্তারকারী জনগোষ্ঠিকে বুঝায়।

*** ৮। আন্তর্জাতিক বাজারজাতকরণ কাকে বলে?**

উত্তর : সমগ্র বিশ্বকে একক বাজার বিবেচনা করে বাজারজাতকরণের কার্যক্রম পরিচালনা করাকে আন্তর্জাতিক বাজারজাতকরণ বলে।

**** ৯। রপ্তানি কাকে বলে?**

উত্তর : রপ্তানি : একটি দেশের উৎপাদিত পণ্য বা সেবা বৈধ উপায়ে অন্য দেশের ভোক্তা বা ক্রেতার নিকট সরাসরি বা প্রতিনিধি বা মধ্যস্থ ব্যবসায়ীর মাধ্যমে পৌঁছে দেওয়ার কৌশলকে রপ্তানি বলে।

১০। প্রত্যক্ষ রপ্তানি কাকে বলে?

উত্তর : প্রত্যক্ষ রপ্তানি : কোনো প্রতিষ্ঠান বা কোম্পানী যখন তাদের উৎপাদিত পণ্য বা সেবা বাইরের দেশে সরাসরি বা কোনো প্রতিনিধির মাধ্যমে সরাসরি রপ্তানি করে তাকে প্রত্যক্ষ রপ্তানি বলে।

১১। পরোক্ষ রপ্তানি কাকে বলে?

উত্তর : পরোক্ষ রপ্তানি : কোনো প্রতিষ্ঠান বা কোম্পানী যখন তাদের উৎপাদিত পণ্য অন্য দেশে কোনো মধ্যস্থকারী বা তৃতীয় পক্ষের মাধ্যমে রপ্তানি করে থাকে তাকে পরোক্ষ রপ্তানি বলে।

*** ১২। চুক্তিভিত্তিক উৎপাদন কাকে বলে?**

উত্তর : চুক্তিভিত্তিক উৎপাদন : একটি বৃহত্তর উৎপাদন প্রতিষ্ঠান ভিন্ন দেশের উৎপাদকের সাথে চুক্তির মাধ্যমে সেই দেশে পণ্য উৎপাদন বা সেবা সরবরাহের বৈধ প্রক্রিয়াকে চুক্তিভিত্তিক উৎপাদন বলে।

১৩। লাইসেন্সিং কাকে বলে?

উত্তর : লাইসেন্সিং : লাইসেন্স অর্থ হল অনুমতি পত্র। সাধারণত কোনো একটি উৎপাদন প্রতিষ্ঠানকে ট্রেডমার্ক, প্যাটেন্ট, গোপনীয়তা এবং আর্থিক বিনিময়ের শর্তে বাজারজাতকরণের অনুমতি প্রদান করাকে লাইসেন্সিং বলে।

SOS**সংক্ষিপ্ত প্রশ্নোত্তর :****** ১। বাজারজাতকরণ পরিবেশ বলতে কী বোঝায়?**

বাকশির্ষো- ২০২৩

উত্তর : বাজারজাতকরণ পরিবেশ : কোনো একটি পণ্য বা সেবা বিপণন করতে গেলে যে সমস্ত নিয়ন্ত্রিত ও অনিয়ন্ত্রিত উপাদান বা শক্তি প্রভাব বিস্তার করতে পারে, তাদের সমষ্টিকে বাজারজাতকরণ পরিবেশ বলে।

বাজারজাতকরণ পরিবেশ কোম্পানি বা প্রতিষ্ঠানের জন্য সুযোগ, হুমকি বা অনিশ্চয়তার সৃষ্টি করে। আবার বাজারজাতকরণ পরিবেশ বিশ্লেষণের উপর বাজারজাতকরণের সাফল্য অনেকাংশে নির্ভরশীল।

বাজারজাতকরণ পরিবেশ সম্পর্কে মতবাদ,

i) বুচ ও হাউসটন (Busch and Houston) এর মতে, “বাজারজাতকরণ পরিবেশ হলো বৈচিত্র্যময়, গতিশীল এবং অনিয়ন্ত্রণযোগ্য শক্তির সেট যা কোনো প্রতিষ্ঠানের বাজারজাতকরণ কার্যক্রম এবং সুযোগগুলোর উপর প্রভাব সৃষ্টি করে।”


ii) ফিলিপ কটলার (Philip Kotler) এর মতে, “বাজারজাতকরণ পরিবেশ হচ্ছে প্রতিষ্ঠানের কতগুলো বাহ্যিক পক্ষ বা শক্তি দ্বারা গঠিত অবস্থা যা প্রতিষ্ঠানের অভীষ্ট ভোক্তাদের সাথে সাফল্য জনক লেনদেন ও সম্পর্ক উন্নয়ন করার ক্ষেত্রে প্রভাব বিস্তার করে।”



** ২। বাজারজাতকরণ পরিবেশের প্রকারভেদ লেখ।

উত্তর : বাজারজাতকরণ পরিবেশকে দু'ভাগে ভাগ করা হয়। যথা :

- ১) ব্যষ্টিক পরিবেশ (Micro Environment) এবং
- ২) সামষ্টিক পরিবেশ (Macro Environment)



চিত্র : বাজারজাতকরণের পরিবেশের প্রকারভেদ

*** ৩। ব্যষ্টিক পরিবেশ ও সামষ্টিক পরিবেশের মধ্যে পার্থক্য লেখ।

বাকশিবো- ২০২৪

উত্তর : ব্যষ্টিক পরিবেশ ও সামষ্টিক পরিবেশের মধ্যে পার্থক্য দেয়া হলো :

ব্যষ্টিক পরিবেশ	সামষ্টিক পরিবেশ
১) প্রতিষ্ঠানের বিপণন কার্যক্রমের উপর প্রত্যক্ষভাবে প্রভাব বিস্তারকারী শক্তির উপাদান বা পক্ষ সমূহকে ব্যষ্টিক পরিবেশ বলে।	১) প্রতিষ্ঠানের বিপণন কার্যক্রমের উপর পরোক্ষভাবে প্রভাব বিস্তারকারী শক্তি, উপাদান বা পক্ষসমূহকে সামষ্টিক পরিবেশ বলে।
২) ইহার উপাদানগুলো কোম্পানি কিছুটা হলেও নিয়ন্ত্রণ করতে পারে।	২) ইহার উপাদানগুলো কোম্পানি নিয়ন্ত্রণ করতে পারে না।
৩) ইহার উপাদানগুলো তুলনামূলক কম পরিবর্তনশীল।	৩) ইহার উপাদানগুলো বেশি পরিবর্তনশীল।
৪) ব্যষ্টিক পরিবেশের আওতা ছোট।	৪) সামষ্টিক পরিবেশের আওতা ব্যাপক।
৫) ইহার অবস্থান প্রতিষ্ঠানের কাছাকাছি হয়।	৫) ইহার অবস্থান প্রতিষ্ঠান থেকে দূরে হয়।
৬) বাজারজাতকরণের ক্ষেত্রে হুমকি সৃষ্টি করে।	৬) অনেক সময় বাজারজাতকরণের ক্ষেত্রে হুমকি সৃষ্টি করে।

**** ৪। মধ্যস্থ কারবারি কীভাবে বাজারজাতকরণে প্রভাব বিস্তার করে?**

উত্তর : যে সকল ব্যক্তি বা প্রতিষ্ঠানের সাহায্যে বিপণনকারী তার উৎপাদিত পণ্য চূড়ান্তভাবে ক্রেতা বা ব্যবহারকারীর নিকট পৌঁছায় তাকে মধ্যস্থ ব্যবসায়ী বলে। মধ্যস্থ কারবারি বাজারজাতকরণ প্রক্রিয়ার একটি গুরুত্বপূর্ণ অংশ। মধ্যস্থ কারবারিরা পণ্য বা সেবার উৎপাদন থেকে ভোক্তার কাছে পৌঁছানোর প্রক্রিয়াকে সহজতর এবং কার্যকর করে তোলে। এরা বিভিন্ন ধরনের কার্যক্রম যেমন : পণ্য বিতরণ, তথ্য প্রদান, মজুদ, আর্থিক সহযোগিতা, বাজার বিস্তৃতি, ঝুঁকি গ্রহণ, প্রচার এবং বিজ্ঞাপন ইত্যাদির মাধ্যমে বাজারজাতকরণ প্রক্রিয়াকে সমৃদ্ধ করে এবং উৎপাদক ও ভোক্তার মধ্যে সেতুবন্ধন হিসেবে কাজ করে।

**** ৫। ভোগের উপর পরিবেশের কী কী প্রভাব লক্ষ্য করা যায়?**

উত্তর : আমাদের দৈনন্দিন জীবনে যেসব পণ্য ও সেবা আমরা ব্যবহার করি তাদের উৎপাদন, পরিবহন এবং নিষ্পত্তি প্রক্রিয়া পরিবেশের উপর বিভিন্ন ধরনের প্রভাব ফেলে।

প্রভাবসমূহ নিম্নরূপ :

i) **প্রাকৃতিক সম্পদের অপচয় :** ভোগ বৃদ্ধির সাথে সাথে প্রাকৃতিক সম্পদ যেমন জল, বন, খনিজ পদার্থ ইত্যাদির ব্যবহারও বৃদ্ধি পায়। এতে প্রাকৃতিক সম্পদের ক্ষয় হওয়া, জীববৈচিত্র্যহ্রাস পাওয়া এবং পরিবেশের ভারসাম্য নষ্ট হওয়া সহ বিভিন্ন সমস্যা দেখা দেয়।

ii) **দূষণ :** উৎপাদন প্রক্রিয়া, পরিবহন এবং নিষ্পত্তি প্রক্রিয়ায় বিভিন্ন ধরনের দূষণকারী পদার্থ বাতাসে, পানিতে এবং মাটিতে মিশে যায়। এতে বায়ু দূষণ, জল দূষণ, মাটি দূষণ এবং শব্দ দূষণ সৃষ্টি হয়।

iii) **জলবায়ু পরিবর্তন** : অতিরিক্ত ভোগের ফলে গ্রিনহাউস গ্যাস নির্গমন বৃদ্ধি পায়, যা জলবায়ু পরিবর্তনের একটি প্রধান কারণ। জলবায়ু পরিবর্তনের ফলে সমুদ্রপৃষ্ঠের উচ্চতা বৃদ্ধি, প্রাকৃতিক দুর্যোগ বৃদ্ধি এবং কৃষি উৎপাদনে বিঘ্ন সৃষ্টি হতে পারে।

iv) **পরিবেশগত অবক্ষয়** : অতিরিক্ত ভোগের ফলে বন ধ্বংস, মাটির ক্ষয়, জীববৈচিত্র্য হ্রাস এবং পরিবেশগত ভারসাম্য নষ্ট হওয়ার মতো পরিবেশগত অবক্ষয় ঘটতে পারে।

*** ৬। “প্রযুক্তিগত পরিবেশ অসীম সুযোগ সৃষ্টি করে”- ব্যাখ্যা কর।**

উত্তর : প্রযুক্তির অগ্রগতি আমাদের জীবনের প্রতিটি ক্ষেত্রে নতুন নতুন সুযোগ সৃষ্টি করেছে এবং আমাদের জীবনযাত্রাকে সহজতর ও উন্নত করেছে। প্রযুক্তিগত পরিবেশ আমাদের জীবনে অসীম সুযোগ সৃষ্টি করেছে বিভিন্নভাবে :

i) **শিক্ষা** : প্রযুক্তির মাধ্যমে অনলাইন শিক্ষা, ই-লার্নিং প-প্যাটফর্ম, এবং ভার্সুয়াল ক্লাসরুমের সুবিধা পাওয়া যাচ্ছে। এর ফলে শিক্ষার্থীরা বিশ্বের যেকোনো প্রান্ত থেকে মানসম্মত শিক্ষা গ্রহণ করতে পারছে।

ii) **স্বাস্থ্যসেবা** : টেলিমেডিসিন, স্বাস্থ্য সম্পর্কিত অ্যাপ্লিকেশন, এবং উন্নত চিকিৎসা সরঞ্জাম প্রযুক্তির মাধ্যমে স্বাস্থ্যসেবার মান উন্নত হচ্ছে। রোগীরা সহজেই ডাক্তারদের সাথে যোগাযোগ করতে পারছে এবং উন্নত চিকিৎসা সেবা পাচ্ছে।

iii) **ব্যবসা ও বাণিজ্য** : ই-কমার্স, ডিজিটাল মার্কেটিং, এবং অনলাইন পেমেন্ট সিস্টেমের মাধ্যমে ব্যবসা পরিচালনা সহজতর হয়েছে। ছোট ব্যবসাগুলোও এখন বিশ্বব্যাপী গ্রাহকদের কাছে পৌঁছাতে পারছে।

iv) কৃষি : স্মার্ট ফার্মিং, ড্রোন প্রযুক্তি, এবং আইওটি (ইন্টারনেট অব থিংস) ব্যবহারের মাধ্যমে কৃষি উৎপাদন বৃদ্ধি এবং ফসলের মান উন্নত করা সম্ভব হচ্ছে।

v) যোগাযোগ : সামাজিক যোগাযোগ মাধ্যম, ভিডিও কনফারেন্সিং, এবং মেসেজিং অ্যাপ্লিকেশনগুলোর মাধ্যমে মানুষ সহজেই যোগাযোগ করতে পারছে, যা ব্যক্তিগত এবং পেশাগত জীবনে গুরুত্বপূর্ণ ভূমিকা পালন করছে।

*** ৭। প্রযুক্তিগত পরিবেশ বলতে কী বোঝায়?**

বাকাশিবো- ২০২৫

উত্তর : প্রযুক্তিগত পরিবেশ বলতে ব্যবসা ও বিপণন কার্যক্রমের ওপর প্রভাব বিস্তারকারী বিভিন্ন প্রযুক্তি, উদ্ভাবন ও বৈজ্ঞানিক অগ্রগতির সমষ্টিকে বোঝায়। এতে নতুন যন্ত্রপাতি, উৎপাদন পদ্ধতি, তথ্যপ্রযুক্তি, ইন্টারনেট, সফটওয়্যার, স্বয়ংক্রিয় ব্যবস্থা ইত্যাদি অন্তর্ভুক্ত থাকে, যা পণ্য উৎপাদন, বাজারজাতকরণ ও সেবাদানে পরিবর্তন আনে। প্রযুক্তিগত পরিবেশের পরিবর্তনের ফলে—

১। নতুন পণ্য উদ্ভাবিত হয়,

২। উৎপাদন ব্যয় কমে,

৩। বিপণন কার্যক্রম আরও দ্রুত ও কার্যকর হয়।

প্রযুক্তিগত পরিবেশ হলো এমন একটি বাহ্যিক উপাদান, যা প্রযুক্তির উন্নতির মাধ্যমে ব্যবসা ও বিপণনে সরাসরি প্রভাব ফেলে।

SOS**রচনামূলক প্রশ্নোত্তর :**

**** ১।** ব্যষ্টিক বাজারজাতকরণ পরিবেশের উপাদানসমূহ আলোচনা কর।

বাকশির্ষো- ২০২৩

উত্তর : ব্যষ্টিক শব্দের ইংরেজি প্রতিশব্দ হলো Micro যার অর্থ হচ্ছে ক্ষুদ্র।

গ্রিক শব্দ Micros থেকে Micro শব্দটি উৎপত্তি।

ব্যষ্টিক পরিবেশ : কোনো কোম্পানির বিপণন কার্যক্রমের উপর নিয়ন্ত্রণযোগ্য যেসব শক্তি, উপাদান বা পক্ষসমূহ প্রত্যক্ষভাবে প্রভাব বিস্তার করে তাদেরকে ব্যষ্টিক পরিবেশ বলে।

ব্যষ্টিক বাজারজাতকরণের উপাদানগুলো হলো :

- ১) কোম্পানী (Company)
- ২) সরবরাহকারী (Supplier)
- ৩) মধ্যস্থ ব্যবসায়ী (Marketing Intermediaries)
- ৪) ক্রেতা (Customers)
- ৫) প্রতিযোগী (Competitors)
- ৬) জনগোষ্ঠী (Publics)

১) কোম্পানী (Company) : মুনাফা অর্জনের উদ্দেশ্যে একাধিক ব্যক্তি এবং যৌথভাবে মূলধন বিনিয়োগ করে আইন দ্বারা গঠিত সংস্থা। কোম্পানির ভিতরের সকল উপাদান বাজারজাতকরণের কার্যাবলি সম্পাদনে প্রভাব বিস্তার করে।

২) সরবরাহকারী (Supplier) : যে সকল ব্যক্তি বা প্রতিষ্ঠান পণ্য বা সেবা উৎপাদনে ব্যবহারের জন্য প্রয়োজনীয় সম্পদের যোগান দেয় তাদেরকে সরবরাহকারী বলে। উদাহরণ হিসেবে বলা যায় যে, মোটর

সাইকেল উৎপাদনকারী কোনো ব্যবসায় প্রতিষ্ঠান উৎপাদনের স্টিল, অ্যালুমিনিয়াম, সিট এবং অন্যান্য মালামাল যোগাড় করতে হয়। তাই সরবরাহকারীর দক্ষতার উপর কোম্পানির উৎপাদন ব্যবস্থা নির্ভরশীল।

৩) মধ্যস্থ ব্যবসায়ী (Marketing Intermediaries) : পণ্য বিক্রয় ও বণ্টনের জন্য বাজারজাতকরণ মধ্যস্থ ব্যবসায়ী কাজ করে। যে সকল ব্যক্তি বা প্রতিষ্ঠানের সাহায্যে বাজারজাতকারী তার উৎপাদিত চূড়ান্ত পণ্য ক্রেতার নিকট বিক্রয় এবং বণ্টন করে তাদেরকে বাজারজাতকরণে মধ্যস্থ কারবারি বলে। এদের মধ্যে রয়েছে খুচরা ও পাইকারী বিক্রেতা, প্রতিনিধি, সেবা সংস্থা, কমিশন মার্চেন্ট, আর্থিক মধ্যস্থ কারবারি ইত্যাদি।

৪) ক্রেতা (Customers) : ক্রেতা হলো যে সকল ব্যক্তি বা প্রতিষ্ঠান যারা পণ্য বা সেবা ক্রয় করে। সাধারণত পাঁচ ধরনের ক্রেতা রয়েছে, যথা : ভোক্তাবাজার, শিল্পবাজার, পুনঃবিক্রেতার বাজার, সরকারি বাজার এবং আন্তর্জাতিক বাজার।

৫) প্রতিযোগী (Competitors) : যারা সমজাতীয় পণ্য ও সেবা উৎপাদন এবং বিপণন কার্যক্রম গ্রহণ করে তাদেরকে একে অপরের প্রতিযোগী বলে। বাজারজাতকারীকে বাজারে টিকে থাকার জন্য সর্বদা তা প্রতিযোগীদের দুর্বলতা, সীমাবদ্ধতা খুঁজে বের করতে হয় এবং প্রয়োজনীয় বিপণন কৌশল প্রণয়ন করতে হয়।

৬) জনগোষ্ঠী (Publics) : জনগোষ্ঠী হলো এমন একটি দল বা গোষ্ঠী যারা কোম্পানির উদ্দেশ্য অর্জনের উপর প্রত্যক্ষ ও পরোক্ষভাবে প্রভাব বিস্তার করতে পারে। তাই বাজারজাতকরণ পরিকল্পনা প্রণয়ন করার জন্য বাজারজাতকারীকে বাজারের অধিকাংশ জনগণের কথা বিবেচনা করতে হয়।

এই উপাদানগুলোর সঠিক ব্যবস্থাপনার উপর ব্যবসার কার্যক্রম এবং সাফল্য নির্ভর করে।

**** ২। আন্তর্জাতিক বাজারজাতকরণ-এর বৈশিষ্ট্য ব্যাখ্যা কর।**

বাকশিবো- ২০২৫

উত্তর : আন্তর্জাতিক বাজারজাতকরণ (International Marketing) হলো একটি ব্যবসা প্রতিষ্ঠান যখন তার পণ্য বা সেবা দেশের সীমারেখার বাইরে বিভিন্ন দেশের ভোক্তাদের কাছে বাজারজাত করে। এটি কেবল বিক্রয় বাড়ানোর মাধ্যম নয়, বরং ব্যবসার বিস্তার ও বৈশ্বিক উপস্থিতি নিশ্চিত করার কৌশল।

আন্তর্জাতিক বাজারজাতকরণের প্রধান বৈশিষ্ট্যগুলো হলো-

১। **বহুভাষিক ও বহুসাংস্কৃতিক পরিবেশ:** আন্তর্জাতিক বাজারে ভোক্তারা বিভিন্ন ভাষা, সংস্কৃতি ও সামাজিক মূল্যবোধের অধীনে পণ্য গ্রহণ করে। ব্যবসায়ীদেরকে এই বৈচিত্র্য বিবেচনা করে বিপণন কৌশল তৈরি করতে হয়।

২। **বিভিন্ন অর্থনৈতিক ও রাজনৈতিক পরিস্থিতি:** প্রতিটি দেশের অর্থনীতি, সরকারের নীতি ও আইন ভিন্ন। তাই আন্তর্জাতিক বাজারজাতকরণে দেশভেদে নীতি ও মূল্য নির্ধারণের ক্ষেত্রে ভিন্নতা থাকে।

৩। **বহু বাজারের উপস্থিতি:** ব্যবসা প্রতিষ্ঠানকে একাধিক দেশের বাজারে অবস্থান রাখতে হয়। এর ফলে উৎপাদন, বিতরণ ও বিপণন কৌশল আরও জটিল হয়।

৪। ভোক্তাদের চাহিদার ভিন্নতা: দেশের ভিন্ন ভিন্ন বাজারে ভোক্তাদের চাহিদা, রুচি ও ক্রয়ক্ষমতা আলাদা। তাই পণ্য ও প্রমোশন কৌশল দেশভেদে পরিবর্তিত হয়।

৫। বিস্তারিত পরিকল্পনা ও গবেষণার প্রয়োজন: আন্তর্জাতিক বাজারে কার্যকরভাবে উপস্থিত থাকার জন্য প্রতিটি দেশের বাজারে বিস্তারিত গবেষণা ও কৌশলগত পরিকল্পনা অপরিহার্য।

আন্তর্জাতিক বাজারজাতকরণ হলো একটি জটিল ও বহুমুখী প্রক্রিয়া। এতে ব্যবসা প্রতিষ্ঠানকে বিভিন্ন দেশের ভোক্তাদের চাহিদা, সংস্কৃতি, আইন ও অর্থনৈতিক পরিস্থিতি বিবেচনা করে কৌশল প্রণয়ন করতে হয়। সঠিক কৌশলের মাধ্যমে প্রতিষ্ঠান বৈশ্বিক বাজারে স্থায়ী অবস্থান ও বিক্রয় বৃদ্ধি করতে সক্ষম হয়।